

羅雪堂先生全集 三編 (二)

羅振玉著

羅雪堂先生全集

三編

(二)

臺灣大通書局印行

羅雪堂先生全集三編 冊二 目錄

增訂殷虛書契考釋

序 王國維

自序

卷上

都邑第一

帝王第二

人名第三

地名第四

卷中

文字第五

卷下

卜辭第六

三八
三九
三九
三五

三九
四〇
四一
四二
四四

四四
四七

六〇
六五

跋主國維

卷下

文字卷五

卷中

讀書卷四

入學卷三

帝王卷二

諸呂卷一

卷上

自序

帝王卷

書信題詞書契卷

羅雪堂先生全集三編 冊二 目錄

七三七

四四一

四二四

四一五

四〇一

三六六

三八五

三八一

三八一

增訂殷虛書

契考釋三卷

丁卯二月東方學會印

商遺先生殷虛書契考釋成余讀而歎曰自三代以後言古文
字者未嘗有是書也炎漢以來古文閒出孔壁汲冢與今之殷
虛而三壁中所得簡策殊多尚書禮經頗增篇數而淹中五十
六卷同於后氏者十七孔氏四十五篇見於今文者廿九因所
已知通彼未見事有可藉功非至難而太常所肄不出曲臺之
書臨淮所傳亦同濟南之數雖師說之重在漢殊然將通讀之
方自古不易至於誤廚作序以衿為初文人之作靈人大邑之
書天邑古今異文而同繆伏孔殊師而沿謠言乎釋文蓋未盡
善晉世中經定於荀朮今之存者穆傳而已讀其寫定之書閒
存隸古之字偏旁締構頗異古文隨疑分釋徒存虛語校之漢
人又其次矣其餘郡國山川頗出彝器始自天水訖於本朝呂
薛編集於前阮吳考釋於後恆軒晚出尤稱絕倫顧於創通條
例開拓間奧概乎其未有聞也夫以壁經冢史皆先秦之文姬

嬴漢晉非絕遠之世彝器多出兩周考釋已更數代而核其所
得不過如此況乎宣聖之所無徵史佚之所未見去古滋遠為
助滋寡者哉殷虛書契者殷王室命龜之辭而太卜之所典守
也其辭或契於龜或刻諸骨大自祭祀征伐次則行幸畋漁下
至牢鬯之數風雨之占莫不畛於鬼神比其書命爰自光緒之
季出於洹水之虛先生既網羅以歸祕藏摹印以公天下復於
暇日撰為斯編余受而讀之觀其學足以指實識足以洞微發
軫南閣之書假途蒼姬之器會合偏旁之文剖析孳乳之字參
伍以窮其變比校以發其凡悟一形繁簡之殊起兩字並書之
例上池既飲遂洞垣之一方高矩攸陳斯舉隅而三反顏黃門
所謂隱括有條例剖析窮根源者斯書之謂矣由是太乙卜丙
正傳寫之謠文入商宅殷辨國邑之殊號至於詎日卜牲之典
王賓有夷之名槓燎薶沈之用牛羊犬豕之數損益之事羌難

問於周亨文獻之傳厥無徵於商邑凡諸放逸盡在數陳馭燭
龍而照幽都拊彗星而掃荒翳以視安國之所隸定廣微之所
撰次若事之難易功之多寡區以別矣是知致靈者地復開究
委之藏弘道惟人終仁召陵之謀後有作者視此知津甲寅冬
十有二月海甯王國維

宣統壬子冬予既編印殷虛書契欲繼是而為考釋人事乖午
因循不克就者歲將再周感莊生吾生有涯之言乃發憤鍵戶
者四十餘日遂成考釋六萬餘言既竟爰書其端曰予讀詩書
及周秦之間諸子太史公書其記述殷事者蓋寥寥焉孔子學
二代之禮而曰杞宋不足徵殷商文獻之無徵二千餘年前則
已然矣吾儕生三千年後乃欲根據遺文補苴往籍譬若觀海
茫無津涯予從事稍久乃知茲事實有三難史公最錄商事本
諸詩書旁攬系本顧考父所校僅存五篇書序所錄亡者逾半
系本一書今又久佚次稽前古津逮莫由其難一也卜辭文至
簡質篇恆十餘言短者半之又字多假借誼益難知其難二也
古文因物賦形繁簡任意一字異文每至數十書寫之法時有
凌躐或數語之中倒寫者一二兩字之名合書者七八體例未
明易生炫惑其難三也今欲祛此三難勉希一得乃先考索文

字以為之階由許書以溯金文由金文以窺書契窮其蕃變漸得指歸可識之文遂幾五百循是考求典制稽證舊聞途逕漸啟扁鐫為開稽其所得則有六端一曰帝系商自武湯逮于受辛史公所錄為世三十見于卜辭者二十有三史稱大丁未立而卜辭所載祀禮儼同于帝王又大乙羊甲卜丙卜壬校以前史並與此異而庚丁之作康祖丁武乙之稱武祖乙文丁之稱文武丁則言商系者之所未知此足資考訂者一也二曰京邑商之遷都前八後五盤庚以前具見書序而小辛以降衆說多違洹水故墟舊稱亶甲今證之卜辭則是徙于武乙去于帝乙又史稱盤庚以後商改稱殷而徧搜卜辭既不見殷字又屢言入商田游所至曰往曰出商獨言入可知文丁帝乙之世國尚號商書曰戎殷乃稱邑而非稱國此可資考訂者二也三曰祀禮商之祀禮夔異周京名稱實繁義多難曉人鬼之祭亦用柴

庚牢變之數一依卜定王賓之語為洛誥所基騂牡之薦非鎬
京始牂此可資考訂者三也四曰卜法商人卜祀十干之日各
依祖名其有爽者則依爽名又大事貞龜餘事骨卜凡斯異例
先儒未聞此可資考訂者四也五曰官制卿事之名同于雅頌
大史之職亦載春官爰及近臣並符周制乃知姬旦六典多本
殷商此可資考訂者五也六曰文字召公之名是爽非爽鳥鳴
之字从雞非鳥佳鳥不分子巽殊用牝牡等字牛羊任安牢牧
諸文亦同斯例又藉知大小二篆同乎古文古文之真間存今
隸如此之類未遑僂數此可資考訂者六也予爰始採翰訖于
觀成或一日而辨數文或數夕而通半義譬如冥行長夜乍覩
晨曦既得微行又蹈荆棘積思若痼雷霆不聞操觚在手寢饋
或廢以茲下學之資勉幾上達之業而既竭吾才時亦弋獲意
或天啟其衷初非吾力能至但探蹟索隱疑蘊尚多覆簣為山

前脩莫竟繼是有作不敢告勞有生之年期畢此志訂謫補闕
俟諸後賢完山攻錯跂予望之宣統甲寅十二月十八日上虞
羅振玉書于日本京都東山僑舍

殷虛書契考釋卷上

上虞 羅 振玉

都邑第一

商自成湯至於般庚凡五遷都武乙立復去亳徙河北其地當洹水之陰今安陽縣西五里之小屯即其虛矣方志以為河亶甲城者是也

史記殷本紀正義引竹書紀年謂自般庚徙殷至紂之滅二百七十五年更不遷都然考之史記殷本紀武乙立殷復去

亳徙河北

三代世表作庚丁徙河北

今本竹書紀年武乙三年自殷遷於

河北十五年自河北遷於沫王氏詩地理考引帝王世紀帝

乙復濟河北徙朝歌

案帝乙自洹陽徙沫本在河此不得言復濟殆有譌字

是般庚以

後至於末季凡再遷也惟諸書均言徙河北不言何地考史記項羽本紀項羽乃與章期於洹水南殷虛上集解引應劭

曰洹水在湯陰界

今安陽漢湯陰縣
兼有今安陽地

殷虛故殷都也瓚曰洹

水在今安陽縣北去朝歌殷都一百五十里然則此殷虛非

朝歌也史記殷本紀正義引括地志相州安陽本盤庚所都

即北冢殷虛南去朝歌城一百四十八里竹書紀年云盤庚

自奄遷乎北冢曰殷墟

墟字
衍

南去鄴四十里是舊都城西南

三十里有洹水南岸三里有安陽城西有城名殷虛所謂北

冢者也水經注洹水篇洹水出山東逕殷墟北又云洹水自

鄴東逕安陽城北又引魏土地記鄴城南四十里有安陽城

城北有洹水東流者也均謂洹水之南有殷虛武乙所徙蓋

在此也雖正義誤以安陽為殷庚所都又誤以安陽殷虛為

北冢

徐氏竹書紀年
統箋乙正之

而洹陰之有殷虛則諸說咸同彰德府

志載安陽縣西南有河亶甲城以此殷虛屬河亶甲然河亶

甲居相其地蓋在今內黃縣東南非今安陽而今龜甲獸骨

出土之處正在今安陽縣西五里之小屯確當洹水之南人土

謂之安陽河與前記悉合故知武乙所徙實在北處方志以為河

曹甲城者誤也至紀年謂武乙十五年徙沫帝王世紀謂帝

乙徙沫二說不合今以卜辭中所見帝王之名考之直至武

乙而止據此可知遷沫必在帝乙之世竹書誤而世紀所記

為得實也

帝王第二

史記殷本紀載成湯以來至於帝辛凡三十傳今見於卜辭者

二十有三

曰大乙

史記作天乙書釋文同索隱引譙周說天亦帝也殷人尊湯故曰

天乙案天與大形近易說故大戊卜辭中亦作天戊以大丁

大甲諸名例之知作大者是譙周為曲說矣